

Hamutuk Promove Igualdade Jéneru, Hametin Unidade no Harmonia iha Família Laran

Diskursu husi Sekretaria Estadu ba Promosaun Igualdade Sra. Idelta Maria Rodrigues iha Reuniaun Membru Governu no Xefe Suku Sira-nia Kaben, Díli, 18 Setembru 2009

Hau haksolok tebes iha loron ohin bele marka prezensa ho ita bo'ot sira iha ne'e iha eventua ida ne'ebé hanesan parte ida husi selebrasaun Aniversáriu Konsulta Popular bá Dala Sanulu (10) nian. Objetívu bá dialógu atu halibur hamutuk ho membru Governu sira nia kaben no mós ho xefe suku sira nia kaben.

Hanesan ita hotu hatene SEPI mak hanesan orgaun importante husi Governu ne'ebé responsabliza bá promosaun no igualdade jéneru. Ho kapasidade ida ne'e SEPI desenvolve tiha ona iniciativa barak atu asegura fetu no mane bele fó partisipasaun ida ne'ebé masimu no hanesan iha setór hotu-hotu iha sosiedade nia laran. Hau hakarak atu fó hatene deit bá ita bo'ot sira kona-ba desenvolvimentu balun mak ita komesa atinje ona iha setór ida ne'e.

Hanesan ita bo'ot sira mós hatene direitu fetu ne'ebé hamrik hanesan ho mane sira, ne'ebé konsagra tiha ona iha ita nia Konstituisaun no Governu Timor-Leste mós ratifika tiha ona ***Konvensaun Halakon Forma Hotu-Hotu Diskriminasaun Hasoru Feto*** iha tinan 2003. Hahú kedas husi ne'ebá, relatóriu bá dalauluk kona-ba estatútu fetu Timor-Leste iha aspetu hotu-hotu moris nian perparadu ona. Iha loron ikus fulan Jullu nian, delegasaun husi Governu hi'it a'an bá Nova Yorke no apresenta relatóriu bá Komité CEDAW.

Hanesan ita bo'ot sira bele imajina katak relatóriu ida ne'e halibur informasaun barak ne'ebé detalladu liu. Tan ne'e hau sei la fó sai hotu iha fatin ida ne'e. Maske nune'e, hau hakarak mensiona susesu balun ne'ebé Komité CEDAW rekoñese. Buat ida ne'ebé mak importate liu mak: Polítiku sira iha Timor-Leste no populasaun tomak jeralmente agora dau-daun komprende ona nesesidade atu asegura direitu fetu sira no partisipasaun masimu iha aspetu hotu-hotu sosiedade nian hanesan dalan atu promove paz no desenvolvimentu.

Bá razaun ida ne'e pasu polítiku importante ne'ebé foti tiha ona foin dau-daun ne'e mak hanesan:

1. Lei orgánika ne'ebé estabesele husi SEPI ne'ebé aprova iha tinan 2008.
2. Rezolusaun ne'ebé estabesele bá liña servisu nian bá Pontu Fokal Jéneru iha Liña Ministériu hotu-hotu no iha Distritu hotu no asegura katak polítika hotu-hotu tenke konsidera nesesidade igualdade fetu no mane.
3. No mós iha tinan 2008 durante selebrasaun Loron Internasionál Feto, deklarasaun conjunta ne'ebé ita hotu hatene hanesan "Díli Kompromisu" ne'ebé asina tiha ona husi Governu, Parlamentu, Sosiedade Cívil no Instituisaun relijiozu sira ne'ebé pronto atu investe bá fetu foin-sae sira iha área prioridade.

Tuir kompromisu polítiku tinan 2009 hanesan tinan bá implementasaun no sai nuudar pasu ne'ebé persiza. Tuir mai ezemplu balun husi rezultadu ne'ebé atinje tiha ona:

- ▲ Iha área edukasaun iha nível eskola primária, oras ne'e dau-daun iha ona número ne'ebé kuaze hanesan, husi fetu 78% no mane 80% ne'ebé rejistu. Feto barak liu mak bá eskola to'o klase neen (6) . Iha eskola sekundária número ne'ebé rejistu fetu barak liu mane no 40 % estudante

tékніка ho edukasaun a'as barak liu mak feto.

- ⤴ Iha mós edukasaun non-formál, programa alfabetizasaun ne'ebé barak liu koloka bá feto sira no klase sira ne'e oras ne'e dau-daun loke iha distritu hotu-hotu. Nune'e mós responde bá número adolescente isin rua ne'ebé a'as no konsekuénsia bá sira ne'ebé la remata sira nia eskola. Ministériu Edukasaun dezentolve ona programa edukasaun abilidade moris bá foin-sae sira ne'ebé la ramata eskola (*drop out*) no atu atinje adolescente sira iha eskola Ministériu Edukasaun dezentolve ona kuríkuļu nasionál bá eskola sekundária ne'ebé inklui mós asuntu sira kona-ba seksu no saúde reprodutiva.
- ⤴ Iha área saúde no direitu reprodutiva mensiona katak Governu prontu atu reduz taxa mortalidade materna. Esforsu sira hanesan dezentolvimentu bá stratégia Saúde Reprodutiva, Polítika Planeamentu Familiar Nasionál, Treinamentu bá ema oan nurak sira ne'ebé limpu no seguru no tau matan bá emerjénsia obstétrica bá servisu saúde sira no ekipamentu bá estableimentu fasilidade saúde ne'ebé ita hein atu bele hetan impaktu pozitívu bá situasaun ne'ebé atuál. Liu-tan ida ne'e Ministériu Saúde tun bá nível comunidade sira liu husi sira nia programa ne'ebé hanaran SISCA (Servisu Integradu Saúde iha Comunidade) atu asegura katak servisu saúde materna bele iha asesu bá comunidade.
- ⤴ Iha área agrikultura, Ministériu Agrikultura no Peska fó atensaun espesiál liu no asegura feto agrikultura sira iha direitu bá seguransa aihan no servisu agrikultura sira seluk inklui troka rekursu produktivu sira hanesan rai no kapitál ne'ebé tenke iha nível ne'ebé hanesan ho mane sira.
- ⤴ Hanesan buat ne'ebé ita hotu preokupa mak asesu bá direitu rai no propiedade. SEPI servisu hamutuk ho parseiru sira seluk ne'ebé lidera konsultasaun públiku balu iha teritóriu tomak atu asegura katak perspetiva jéneru iha Kódigu Sivil. Konsultasaun sira ne'e resulta ho rekomendasaun balu ne'ebé inklui iha esbosu Kódigu Sivil.
- ⤴ Ikus mai buat ne'ebé ita hotu preokupa mak asesu bá justísa, iniciativa legislativa ida mak hanesan aprovasaun bá Kódigu Penál iha Marsu 2009 ne'ebé prespetiva jéneru mós inklui iha ne'ebá, ho preokupasaun espesiál artigu sira ne'ebé iha impaktu direita bá feto sira nia moris. Ezemplu ida mak artigu ida ne'ebé estabese, violénsia doméstika hanesan krime, ida ne'e asegura katak prosedimentu kriminál la depende bá keixa formál husi vítimas no bele deit hato'o iha Sistema Justísa formál, nune'e mós bá prosedimentu komun Justísa Tradisionál iha nível comunidade.
- ⤴ Tuir kedas aprovasaun bá Kódigu Penál, Lei Kontra Violénsia Doméstika ne'ebé aprova tiha ona husi konsellu Ministru iha lora 19 Agostu, mak iha ne'ebé iha komitmentu ne'ebé forte husi Parleментu Nasionál ne'ebé sei aprova iha tempu badak nia laran. Objetívu importante husi lei ida ne'e, mak estabese no hametin mekanismu ida ne'ebé nesessariu atu prevene violénsia doméstika no promove direitu vítimas sira no mós atu garantia protesau legal bá vítima sira.

Feto maluk no mane maluk sira,

Razaun tan sa hau hakarak troka hanoin ho ita bo'ot sira kona-ba prestasaun sira ne'e mak, atu motiva ita bo'ot sira atu involve no hola parte iha ita nia esforsu tomak atu halo Timor-Leste sai sosiedade ida ne'ebé justu, no feto ho mane bele servisu hamutuk iha nível ne'ebé hanesan.

Feto bele partisipa no haforsa ita nia sosiedade iha dalan ka maneira barak no faktu ne'ebé ita hanesan mane sira nia kaben ho responsabilidade polítika, tan ita bo'ot sira nia pizisaun ne'ebé privileiju atu fó suporta polítika atu halo desizaun iha nível Lokal, Rejionál, no Nasionál ne'ebé konsidera iguuldade no nesessidade mane no feto, no involve sira nai rua feto no mane iha dezentolvimentu comunidade iha

nasun nia laran tomak.

Governu Timor-Leste no espesiálmente bá SEPI sei kontinua ho objetívu ida ne'ebé firme atu promove progresu fetu Timor-Leste no ami fiar bá ami nia a'an katak, ho esforsu iha setor hotu-hotu iha sosiedade nia laran tomak, ho mós dialogu ne'ebé establese foin dadauk ne'e, ita fiar katak bele atinje ita nia objetívu atu promove direitu fetu Timor-Leste sira no igualdade jéneru.

Obrigadu wain.